

1656ին Յակոբ Ջուղայեցի կը գնէ Ֆռանկանոց գիւղին կալուածները, և Ոսկանի որդի՝ Թարխանէն, իբրև բարեպաշտական նուէր կը ստանայ Մաստարա գիւղին երկու քուկէս դանկ կալուածը (23): Թեմուրազ խանը և իր կինը՝ Խորի, և որդին՝ Հերակլ, Էնիսիւլ նահանգին մէջ Թասմալուր կոչուած գիւղը կը նուիրեն կաթողիկոսին, բոլոր բնակիչներով, այգեստաններով, ջուրերով ևն., ի ծառայութիւն Աթոռին (24):

1658ին դարձեալ նուէր կը ստանայ Սեթի որդի՝ Յակոբճանէն, Նորագեղի կալուածները, և չորսուկէս դանկ կալուած Եղուարդ գիւղէն, այգի մը Երեւանէն, ուրիշ այգի մը և ջրաղաց մը Չորագեղէն (25): Յեազային Յակոբճանի որդին՝ Սարուխան, կը պահանջէ Նորագեղի կալուածները. կաթողիկոսը զայն կը գոհացնէ իրմէ գնելով նոյն կալուածները 1674ին (26):

1660ին, նոյն Սարուխանէն կը գնէ Եայճի գիւղին կալուածները, չորսուկէս դանկ կալուած Ամիրի գիւղէն, ուրիշ ջրաղաց մը Չորագեղէն և տուն մը Նորագիւ-

(23) Աճղ 113-115:

(24) Աճղ 207:

(25) Աճղ 121:

(26) Աճղ 122: